

Ո Ր Ո Շ ՈՒ Մ

Ճանապարհային ոստիկանության. վարչական տույժ նշանակելու մասին 07.05.2018թ. թիվ 1808021337 որոշումն անփոփոխ, իսկ վարչական բողոքն առանց բավարարման թողնելու մասին

<<01>> 06 2018թ. 17-13-63469-18/17-13-1181

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Վահագն Աթաբեկյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Հանրապետության նրբանցք 6 շենքի 8 բնակարանի բնակիչ Վահագն Աթաբեկյանը դիմումով խնդրել է բեկանել Ճանապարհային ոստիկանության վարչական տույժ նշանակելու մասին 07.05.2018թ. թիվ 1808021337 որոշումը՝ նշելով, որ համաձայն չէ որոշմամբ արձանագրված իրավախախտման հետ:

Դիմումի քննարկման արդյունքում պարզվել է, որ դիմումատուին վարչական պատասխանատվության ենթարկելու մասին որոշումն օրինական է, իրավաչափ և այն վերանայելու հիմքեր չկան, քանի որ ՀՀ կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին>> թիվ 955-Ն որոշման 84-րդ կետի 6-րդ ենթակետի համաձայն՝ **խաչմերուկներում կանգառն արգելվում է:**

<<Ճանապարհային երթևեկության անվտանգության ապահովման մասին>> ՀՀ օրենքի 2-րդ հոդվածի համաձայն, խաչմերուկ է համարվում միևնույն մակարդակի վրա ճանապարհների հատման, միացման կամ անջատման տարածք, ներառյալ՝ այդպիսի հատումով, միացումով, անջատումով առաջացած տարածքը, որը պայմանականորեն սահմանազատված է այդ ճանապարհների երթևեկի մասերի հատման, միացման կամ անջատման տիրույթում առկա կորացումների համապատասխանաբար հակադիր սկզբնակետերը միացնող երևակայական գծերով:

Ինչ վերաբերվում է դիմումատուի այն պնդմանը, որ ցուցարարները խոչընդոտ են հանդիսացել իր հետագա ընթացքին, ապա ճանապարհային ոստիկանության վարչական տույժ նշանակելու մասին 07.05.2018թ. թիվ 1808021337 որոշմամբ արձանագրված իրավախախտումն ամրագրված տեսանյութի լրացուցիչ ուսումնասիրության արդյունքում պարզ երևում է, որ այլ տրանսպորտային միջոցներն անարգել երթևեկում են տվյալ փողոցով, որը նույն ձևով կարող է կատարել նաև դիմումատուն:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 07.05.2018թ. թիվ 1808021337 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել՝ <<վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Վահագն Աթաբեկյանին:

Ե.Կարապետյան



Ե.Կարապետյան